



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik

Broj: T06 0 KT 0036716 26
Travnik, 13.07.2026.godine

OPĆINSKI SUD U TRAVNIKU
Sudiji za prethodno saslušanje

Na osnovu člana 45. stav 2. tačka h) i člana 241. Zakona o krivičnom postupku Federacije Bosne i Hercegovine („Službene novine Federacije BiH“, broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 46/16— u daljem tekstu „**ZKP FBiH**“), podižem

OPTUŽNICU

Potvrđena dana 17.07.2026. godine

Protiv:
R. P.

Što je:

Dana 06.10.2024.godine, u vremenskom periodu od 07,00 do 19,00 sati, za vrijeme održavanja lokalnih izbora u Bosni i Hercegovine 2024.godine, za nivo načelnika općine Vitez i Općinskog vijeća Vitez, kao član biračkog odbora, zadužen za identifikaciju birača, na biračkom mjestu broj: **** Zabilje, općina Vitez, krivotvorio rezultate glasanja za institucije Federacije BiH, tako što je izvršio dodavanje glasačkog listića za lice koje nije glasalo, a što je za posljedice imalo krivotvorenje rezultata glasanja, na način da je omogućio njemu poznatom licu da se na Izvodu iz Centralnog biračkog spisa za navedeno biračko mjesto u rubrici pod rednim brojem ***, gdje je upisano ime birača Ž. P. potpiše umjesto njega na mjestu predviđeno za potpis glasača na glasačko mjesto, na koji način je dodajući glasove ovog lica povećao rezultate glasanja jednom kandidatu, svjestan da Ž.P. nije izlazilo na glasanje niti je ostvario svoje biračko pravo, što je i htio, kojim radnjama je nezakonito povećao izborni rezultat jednom od kandidata na izborima za načelnika općine Vitez i Općinskog vijeća Vitez, te dodavanjem glasova krivotvorio rezultate glasanja,

dakle, krivotvorio rezultate glasanja za Instituciju Federacije BiH dodavanje glasačkog listića za lice koje nije glasalo.

Čime je počinio krivično djelo Izborna prijevara iz člana 198. Krivičnog Zakona FBiH.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom